

Comunu de
Sètimu
Tzitadi Metropolitana de Casteddu
Pratza Sandro Pertini n. 1 09040 Sètimu



C.F. 80004000925
Tel. 070 76911 Fax 070 765687
giassu: www.comune.settimosanpietro.ca.it
pec: protocollo@pec.comune.settimosanpietro.ca.it

Po mori de s'Ordinàntzia bessia ariseru de su Ministeru de sa Saludi, sa Sardigna torrat, a dolu mannu, in sa zona aràngiu, duncas lunis 22 de Martzu e fintzas a cenàbura 2 de Abrili balint is inditus, ca arregordaus cali funt:

✘ COBERRIFOGU da oras de is 22,00 a oras de is 5,00. Est possìbili a si movi sceti po motivus de traballu, saludi e necessidadi.

✘ TRANTZIDURAS liberus aintru de su comunu de residèntzia, domicìliu o abitatzioni. Si nci podit movi da su comunu insoru, sceti po motivus de traballus, saludi e necessidadi.

✘ chini bivit in biddas cun prus pagu de 5000 abitantis, si podi spostai in una distàntzia de 30 km , ma non podit andai in su cabulogu.

✘ BÌSITAS a domu de parentis e amigus. EST PERMÌTIU una borta sceti a sa diri, in su matessi comunu, intre de is 5,00 e is 22,00, a non prus de duas personas ca podint portai cun issus fillus/as non prus mannus de 14 annus o personas dilicadas conviventis.

✘ BAR: est PERMÌTIU SCETI s'asportu da oras de is 5,00 a oras de is 18,00. Sa cunsigna a domu chentza de tenni limiti in s'oràriu.

✘ RISTORANTIS. EST PERMÌTIU SCETI s'asportu da oras de is 5,00 a oras de is 22,00. Sa cunsigna a domu chentza de limiti de oràriu.

✘ BUTEGAS ABERTAS.

✘ TZENTRUS COMERCIALIS SERRAUS su sàbudu e su domìnigu, aintru de issus abarrant abertus sceti is apotecarias, parapotecarias, alimentaris, edìcolas, stangus e lavanderias.

✘ PARRUCHIERIS E TZENTRUS ESTÈTICUS ABERTUS.

✘ ATIVIDADI MOTÒRIA E SPORT A SOLUS funt permìtius aintru de su comunu insoru.

✘ SCOLAS SUPERIORIS IN PRESÈNTZIA A SU 50 %.

✘ TEATRUS, TZINEMA. Funt SERRAUS.

✘ PALESTRAS E PISCINAS. Funt SERRADAS.

✘ PARCUS E GIARDINUS PÙBLICUS. Funt ABERTUS.

In is diis 3-4-5 abrili ant a essi in pei is inditus de ZONA ARRÙBIA in totu s'Italia.

